

Imminut sullississutit sullissivik.gl -imut atassusikkat



Imarisai

sullissivik.gl pillugu	1
Imminut sullississut atassusigaq sunaana?	1
Akisussaaffiit agguannerat	2
Aningaasaliineq	2
Pilersitsineq	2
• Siullermik misissueqqissaarneq	2
• Pisineq	2
• Aaqqiissutip pilersinneqarnissaanut atatillugu suliarineqarnera	2
• Aaqqiissutip atulersinneqarnera	2
Suliniummot aqutsineq	3
Suliniutip aqutsisuata misissugassaanik allattorsimaffik.....	3
Imminut sullinnissamut aaqqiissummik ingerlatsineq	3
Pilersitsisussap sullissinissaanut isumaqatigiissuteqarneq.....	3
Oqartussaasumi inuk attaveqarfissaq.....	4
Imminut sullinnissamut aaqqiissut ajortikkaangat aaqqinnissaanut suliap ingerlarnga	4
Allagartat akuersissutit	4
Imminut sullinnissamut aaqqiissutinut piunasaqaatit	5
Akisussaaffimmik agguataarineq eqikkarlugu	5

sullissivik.gl pillugu

sullissivik.gl tassaavoq oqartussat ataatsimoorussamik Nunatsinni innuttaasunut suliffeqarfiutilinnullu nittartagaat. Tamanna ima isumaqarpoq pisortaqarfiit soorlu kommunit, Namminersorlutik Oqartussat, taavalu suliffeqarfiit pisortanit pigineqartut tamarmik sullissivik.gl-imi imarisaateqarlutillu imminut sullississutaateqarsinnaasut, taakkulu tamarmik Nunatsinni innuttaasunut suliffeqarfiutilinnullu pilersitaallutik.

Nittartagaq sullissivik.gl Digitalinngortitsinermit Aqutsisoqarfimmit ingerlanneqarlunilu teknikkertaa isumagineqarpoq. Oqartussat sullissivik.gl-imi paasissutissaatiminnik taavalu digitaliusunik imminut sullississutaatiminnik nassitsisuullutillu piginnittuupput. sullissivik.gl illu pisortanit attartorneqartunik "inissiatallimmut" assersuunneqarsinnaavoq, innuttaasunut suliffeqarfiutilinnullu isumannaatumik pissarsiariuminartunillu paasissutissiivittut atorineqartumik.

sullissivik.gl pingaarnertut marlunnik imaqarpoq:

- Imarisat allatat qinnuteqaammi/noqqaassummi/nalunaarummi il.il qanoq suliap ingerlanneqartarnera aallartinneraniit naammassinissaata tungaanut innuttaasunut paasiuminartumik nassuiaanertallit
- Imminut sullississutit digitaliusut

Imminut sullississut atassusigaq sunaana?

Naalakkersuisoqarfiit, aqutsisoqarfiit, kommunit aamma ingerlatsiviit tamarmik imminut sullississutit sullissivik.gl-imit iserfigineqarsinnaanngorlugit atassuserneqarsinnaasut pigisassatik pilersitsissinnaavaat – Innuttaasunut tunngasumi aamma Suliffeqarfiutilinnut tunngasumi.

Imminut sullississut atassusigaq atorlugu innuttaasoq suliffeqarfiutililluunniit digitalikkut imminnut sullissinnaavoq, oqartussaasunut sianerluni ornigulluniluunniit saaffiginninngikkaluarluni.

Imminut sullississut atassusigaq atorlugu atuisoq noqqaassutini pillugu ingerlaannaq akissutisisinnaavoq. Assersuutigalugu "Najugaqarnermut uppenarsaatit aajuk" atorlugu atuisup noqqaassutaa toqqaannartumik oqartussaasut atortorissaarutaannukaraangat, atuisup najugaqarnermut uppenarsaataa atortorissaarutip aariarlugu toqqaannartumik atuisumut tunniutissavaa. Oqartussaasut imminut sullississutit sullissivik.gl-imut atassusikkat pigisatik atortorissaarutiminnut atassusertissinnaavaat, taamaasilluni suliaminnik ingerlatsinerminni suliaasa ilai ajornaallisarneqartarput, qarasaasiap suliaasat ilai isumagilersarmagit.

Oqartussaasut imminut sullississutaannut atassusikkanut sullissivik.gl isaariaavoq. Imminut sullississummut atassusikkamut toortagaq toorukku, sullissivik.gl-imiit anissaatit oqartussallu imminut sullississutaanut iserlutit.

Imminut sullississutit sullissivik.gl-imut atassusikkat ilai ukuupput:

- Nuunneq kommunimut nalunaarutigiuk
- Ulluunerani paaqqinnittarfiit - Inissiineq, anineq akiliisarnerlu
- Najugaqarnermut uppenarsaatit aajuk

Akisussaaffiit agguaannerat

Oqartussaasooq -imminut sullississummut atassusikkamut piginnittuuvoq

Oqartussaasup imminut sullississut sullissivik.gl-imut atassusertinnikuusani nammineq pigivaa, taamaammallu pilersitsinnissaa aningaasalersornissaalu nammineq akisussaaffigalugu. Tassa ilaatigut ima isumaqarpoq, oqartussaasut imminut sullississut atassusigassanngortikkusutartik pillugu pilersitsisussamik nassaarnissartik namminneq isumagissagaat. Tamatuma saniatigut oqartussaasup aamma imminut sullississutip ingerlaavartumik ingerlanneqarnissaa isumagissaraa, pilersitsisussallu sullissinissaanut isumaqatigiissuteqarneq (SLA) qulakkeertussaallugu.

Digitalikkut Kiffartuussinermik Immikkoortortaarfik

Digitalinngortitsinermut Aqutsisoqarfimmi Digitalikkut Kiffartuussinermik Immikkoortortaarfik (DIA SE)-p sullissivik.gl isumagigamiuk, imminut sullississutit atassusikkat nittartakkamiit iserfigineqarsinnaasussat qanoq pilersinneqarnissaannut atatillugu malerugassaateqarput. Taamaattumik oqartussaasut imminut sullississummik atassusigassamik pilersitsinialernerini, suliap aallartinneraniit naammassinissaata tungaanut Digitalikkut Kiffartuussiviup oqartussaasut siunnersortartussaavai.

Aningaasaliineq

Imminut sullississutit atassusikkat oqartussaasunit pigineqarput. Taamaattumillu pilersitsinneqarneri namminneq aningaasaliivigisarpaat.

Pilersitsineq

Imminut sullississutinik atassusigassanik pilersitsinermi makku ilanngunneqartarput:

- **Misissueqqissaarneq**
Misissueqqissaarnermi matumani ilaatigut suliap ingerlarngata killiffia kiisalu imminut sullississutip imminik ingerlalernissaanut suut atorfissaqartinneqarnersut nassuiaateqarfigineqartarput, taakkunungalugu aningasaartuutit qanoq annertutigissanersut misissorneqarlutik.
- **Pisineq**
Pisiortortarnermut Kaajallaasitaq 20. oktober 2020-meersoq naapertorlugu pisussaaffiit malinneqarnissaat Oqartussaasunit eqqumaffigineqassapput.
- **Imminut sullississutip pilersinneqarnissaata suliarineqarnera**
Oqartussaasup imminut sullississutinngortikkusutaminik pilersitsisussaq nammineq pissarsiarissavaa.
- **Imminut sullississutip atulersinneqarnera**
Digitalikkut Kiffartuussinermik Immikkoortortaarfik (DIA SE)-p imminut sullississut sullissivik.gl-imut atassusissavaa.
Taassuma kingornatigut imminut sullississutip ingerlaavartumik ingerlanneqarnera aallartissaaq – *Tamanna pillugu annertunerusumik paasissutissat atuakkit uani "Imminut sullississummut atassusikkamut ingerlatsineq"*

Oqartussaasup pilersitsisua sullissivik.gl-ip malittarisassai pillugit imaluunniit teknikkikkut ikkussuinnermut tunngatillugu apeqqutissaqarpat, DIA SE-p pilersitsisartortik oqartussaasup pilersitsisuanut ikiuuttuussatut piareersimatissavaat. Taamatut pisoqartillugu DIA SE-p pilersitsisumi piffissamik atuinera nammineq aningaasaliiffigisarpa.

Malugiuk, imminut sullississummik atassusikkamik pilersitsilernermit atatillugu taannartaa taamaallaat DIA SE-p aningaasaliiffigisarmagu, kiisalu aningaasartuutit allat sinneri tamarmik oqartussaasumit imminut sullississummik atassusikkamik pilersitserusuttumit akilerneqartarlutik.

Suliniuummut aqutsineq

Oqartussaasut nammineq suliniuummut aqutsisoqassapput, taassumalu imminut sullississutinngortikkusunneqartup pilersinniarneqarnerata suliarineqarnissaa aqussavaa. "Suliniuummik isumassarsiaq"-miilli suliniuummut aqutsisumit DIA SE-p peqataatinnissaa pingaartuuvoq, pissutigalugu imminut sullississutit suut sullissivik.gl-imut atassuserlugit ikkunneqassanersut DIA SE-p ilisimasariaqaramiuk. Tamatuma saniatigut aamma sullissivik.gl-ip imminut sullississutinut atassusikkanut piumasaqaatai suliniuummut aqutsisup ilisimasaqarfigissagai DIA SE-p qulakkeertussaavaa,

Suliniuummut aqutsisup misissugassaanik allattorsimaffik

Iliuseqarneq	Peqataatitsineq
Suliniuummik isumassarsiaq – FOP* Matumani nalinginnaasumik assaat atorlugit sulinerup ingerlanneqartarnerata nassuiarneqarnera ilanngullugu	Suliniuummut aqutsisoq aamma DIA KOM
Suliniuummut tunngavik - FOP	Suliniuummut aqutsisoq/oqartussaasoq
Aningaasaliineq (aningaasanik qinnuteqarneq ilanngunneqarsinnaavoq)	Suliniuummut aqutsisoq/oqartussaasoq
Piumasaqaatinut erseqqissaatit – taassuma ataani sullissivik.gl-ip piumasaqaatai	Suliniuummut aqutsisoq/oqartussaasoq
Negerooruteqartitsineq -imminut sullississut 500.000 koruunit sinnerlugit akeqarpat.	Suliniuummut aqutsisoq/oqartussaasoq
Pilersitsisussamik toqqaaneq	Suliniuummut aqutsisoq/oqartussaasoq
Teknikikkut tunniussineq allaaserinninnerlu	Pilersitsisussatut toqqagaq
Misiliineq	Suliniuummut aqutsisoq aamma pilersitsisoq
Saqqummiunneqarnera	Suliniuummut aqutsisoq, pilersitsisoq aamma DIA KOM

Digitalinngortitsinermit Aqutsisoqarfiup aqutsineq eqqortoq aamma iluaqutinut eqqumaffigininnerit anguniarlugit "Pisortani ataatsimoorussamik suliniuummut periuseq" pilersinnikuuaa. Suliniutinut suliaqarnermit ikiuutissatut "suliniutinut sakuutaasivik" suliarineqarnikuvoq, uani takusinnaavat: https://digitalimik.gl/emner/vaerktoejer/den-faellesoffentlige-projektmodel/dokumenter-og-skabeloner?sc_lang=kl-gl

Imminut sullississummik ingerlatsineq

Imminut sullississummik atassusikkamik piginnittuunermi ingerlatsinertaa pingaaruteqarpoq, imminut sullississut oqartussaasumit nakkutigineqartuutaassanera pissutigalugu.

Oqartussaasoq imminut sullississummik atassusikkamik pilersitsiniarluni suliniuummik aallartisaanermiilli, imminut sullississutip ingerlanneqarnera eqqarsaatigeriissavaa, imminut sullississutip atassusikkap pigineranut atatillugu ingerlaavartumik aningaasartuutaasussat piareersimaffigisariaqaramigit.

Tassani piumasaqaataavoq oqartussaasoq inummik ataatsimik akisussaasoqassasoq, taannalu sullinneqarnissamut isumaqatigiisummik kiisalu allagartanik akuersissutinut isumaginnittussaaq.

Pilersitsisussap sullissinissaanut isumaqatigiissuteqarneq

Oqartussaasoq pilersitsisussaminit sullinneqartarnissaminut isumaqatigiissuteqassaaq (SLA). Taamaasilluni imminut sullississut atassusigaq ajortissagaluarpat, oqartussaasup sullinneqarnissani isumannaassavaa. Tassa imaappoq sullinneqarnissamut isumaqatigiissummi qularnaarneqassaaq pilersitsisoq ajornartorsiutip aaqqinnissaanut pissaasuussasoq, ajornartorsiullu sapinngisamik piaarnerpaamik aaqqinneqassasoq. Isumaqatigiissut taanna pissusissamisuunngippat, oqartussaasup nammineerluni ajornartorsiut qanoq aaqqinneqassanersoq isumagisariaqassavaa, tamannalu amerlanertigut annertuumik aningaasartuutaasarpog.

Isumaqatigiissummi atortorissaarutini nutarterinerit aamma eqqumaffigineqassapput, soorlu:

- sullissivik.gl-imit isikkut nutaat
- Akuersissutit atuuffiisa qaangiunnerini nutaanik taarserneri
- Ingerlaavartumik isumannaallisaanikkut nutarterinerit
- Oqartussanut ikiuunneq (support)

Oqartussaasumi inuk attaveqarfissaq

Imminut sullississut atassusikkamut suliaqarnermut tunngatillugu, oqartussaasoq inummik ataatsimik akisussaasusamik toqqaassaaq, taassumalu pilersitsisumut attaveqartarnermut aqutsisuussaaq. Tassa imaappoq imminut sullississut atassusigaq ajoraangat, oqartussaasut sinnerlugit inuk ataaseq DIA SE-mit attavigineqarsinnaasartussaq toqqarneqassaaq, attavigineqareeraangamilu kingorna oqartussaasup pilersitsisuanut nammineerluni attaveqarnissaq isumagisassavaa.

Imminut sullississut atassusigaq ajortikkaangat suliap ingerlarnga

Imminut sullinnermi aaqqiissut ajortikkaangat atoqqilernissaa qularnaarniarlugu oqartussaasoq imminut sullinnermi aaqqiissummik piginnittuugami, pilersitsisuminut attaveqarnissaminut akisussaasuvoq.

Imminut sullississutitut atassusikkanut piumasaaqatit

Imminut sullississutitut atassusikkap sullissivik.gl-imit iserfigineqarsinnaasup pilersinneqarnissaanut atatillugu aalajangersimasunik malittarisassaqarpoq.

Malittarisassat tassaapput:

- Nemlog-in3 atorineqassaaq
- sullissivik.gl-ip ilusiliinermut ilitersuutaa atorineqassaaq
- Inunnik paasissutissanik suliarinnittarneq pillugu inatsit malinneqassaaq –inunnik paasissutissanik suliarinnittarneq pillugu inatsimmi allaqqasut imminut sullississummut ilanngunneqassapput
- Imminut sullississummi atassusikkami nassitsisoq allassimassaaq – Oqartussaasoq sorleq imminut sullississummut atassusikkamut piginnittuunersoq erseqqissumik allaqqassaaq
- Imminut sullississut ajortikkaangat nalunaarut nuisartussaq attaveqarfissanut paasissutissartalik – tassani allassimassaaq imminut sullississut ajortippat kina attavigineqassanersoq
- Imminut sullississutitut sullissivik.gl-imi misilittaavigisinnanissaa - Pilersitsisut sullissivik.gl-ip misileraaffiani assiganik sanassapput, imminut sullississutitut atassusikkap atulersinneqannginnerani misilerarsinnaaneqarniassammat

Akisussaaffiit agguaannerat eqikkarlugu

DIA SE	Oqartussaasoq
<ul style="list-style-type: none">▪ Suliap ingerlarngata aallartinneranit naammassinissaata tungaanut oqartussaasunut siunnersuisuusarpoq. ▪ sullissivik.gl-ip pilersitsisuata oqartussaasup pilersitsisuanut attaveqartarneranut atatillugu aningaasartuutit akilissavai. ▪ Imminut sullississutit atassusikkat pillugit malitarisassanik aalajangiisuusaaq.	<ul style="list-style-type: none">▪ Imminut sullississutip atassusikkap pilersinneqarnera, piginnittutut nammineq aningaasaliivigissavaa ▪ Suliniummi nammineq suliniummut aqutsisoqassaaq ▪ Pilersitsisussaminit sullinneqartarnissaminut isumaqatigiissuteqassaaq (SLA) ▪ sullissivik.gl-ip malittarisassaatai malissavai